

Wët mac (lön) reec guεem de raan de kuan wääc

Wët de lëk enöη mēdhiēth ku dumuuk

Guεem de raan de kuan wääc e kërac looi në pïir de menh de thukul, londen de kä ke thukul ku kä ye ke yök në piöcic. Guεem ku duciēη nönjic guεem aa cïi keek ye gam në thukuul ke akuma ke NSW.

Yeηö yen lon de lön (wët mac ciεeη)?

Lön de [Anti-Racism Policy](#) (Lön Reec Guεem de Raan de Kuan Wääc) e riēxu ku ciεeη piath në thukulic juakic. E luui bï kä piath ye keek yök në piöcic bïkē ya piath enöη mïth ke thukul kedhia nönjic ciεeη, jam në thook ku duöör de yiēth peei wääc. Lön reec guεem:

- anyic kë ye guεem de raan de kuan wääc luöi kōc ke Aborijiin (Kuan Thεer ke Baai) ku kōc ke Tōrith Thetret Ailēn
- aye dhiil looi menē ke thukuul aa yekē nōöth menē ke mïth ke thukul kedhia ku bï ciēn akutnhom tönj de mïth ke thukul bï gēl në yök de kä wïckē keek në pïir ku riēdenic në wët ye ke kōc ke ciεeη, duöör de yiēth ka jam në thook peei wääc.
- awic kōc ke kōmiōnitï de thukul kedhia bïkē ya tak në tēden ye kek rōth muök thïn ku bïkē dhiil them menē kä yekē looi cïi guεem bï bēi enöη kōc kōk në rin ye kek kōc ke ciεeη de kuan wääc
- awic dupiöoc kedhia bïkē piöoc cï yiēk keek thöl agokē londen bï kek gēl de ciεeη de guεem deetic
- awic thukul ebēn bï naη Bāny de Lëk de Wët Mac Ciεeη Reec Guεem cï piöoc në yeen.

Yeηö yenē Bāny de Lëk de Wët Mac Ciεeη Reec Guεem?

Bāny de Lëk de Wët Mac Ciεeη Reec Guεem (Anti-Racism Contact Officer (ARCO)) e dupiöny ye bāny de thukul cāk ye kony ke nāär piöc de ciεeη reec guεem në thukulic. ARCO e bāny de thukul kuöny në lon de:

- kuöny në dhöl yenē dupiöoc cōk nyic kë ye guεem luöi piöc ku në pïir enöη menh de thukul
- lëk kë bï mïth ke thukul ku dupiöoc looi tē tïη ku piη kek kä ke guεem loi rōth
- lëk ajuir ke kä bï keek looi lēu bï thukul ke luui në dhöl benē wët de guεem luöci thïn.

ARCO aye piöoc bï mēdhiēth ku dumuuk ya lëk kë bïkē looi, ku dupiöoc ku mïth ke thukul në dhöl yenē ke në luēl de kä cï tuöl loi rōth guεem luöci thïn. Na cï thiēec, ke ARCO alēu bï luui eya ke ye [support person or advocate](#) (raan de kuöny ka raan kaac në nyin de raan dētic) në kaam thïn.

Yenjö ba looi na tö menhdie në thukulic ke gum guεm de raan de kuan wääc?

Na gum menhdu guεm në thukulic, ke aba dhiεl lëk een bī lëk dupiööc ka Bány de Lëk de Cιεη Reec Guεm de thukul, ka ba lueel në biäk de menhdu.

Lëu ba wët luel kë cī tuöl looi yadī në wët de guεm de raan de kuan wääc në thukulic?

Guööt de raan tönj de kōmiönitī de thukul, agut cī mēdhiēth ku dumuuk ku dupiööc ku mīth ke thukul, aa lëu [a report](#) (luel kë cī tuöl) de guεm. Wël luel kë cī tuöl loi röth luel wël ke guεm aa lëu bī yāth enoη/lëk kë cī tuöl bääny ke thukuul, Bääny ke Lëk de Cιεη Reec Guεm ka guööt de dupiööc. Wël luel kë cī tuöl aa lëu bī keek looi në raan në yenhde, në yimel ka në telepuun, ku eya onlaany ke raan lui në dhöl de [feedback and complaint form](#) (poom yenë wël dhuk nhīim thīn ku guεl).

Ku na guεm de kuan wääc tö onlaany?

Guεm thiääk kenë thukul e tuöl onlaany, cīt menë ke mīth ke thukul bikë guεm de raan de kuan wääc luöi mīth kök ke thukul ka akutnhīim ke kuεεt wääc cιεη, abī dhiil lëk thukul cīt men de kë tö nhial kån. Në wët de kë bī looi ago raan tö apiath ke cīn kërēεc bī yök në biäk de kë ke onlaany, tīη [Online safety](#) (bī raan tö apiath ke cīn kërēεc bī yök onlaany) të de eSafety Commissioner website (eSafety webthait Kōmiconā).

Ye tēnou yen ban wël kök ke lëk yök thīn?

Në yök de wël kök ke lëk tīη [Anti-racism education](#) Anti-racism education (piööc de reec de guεm raan de kuan wääc).

Kuöony në wëēr de thok

Na wīc raan de wëēr de thok bī yīin kuöny ba jam wenë thukul ka ba kaam bī yīn jam wenë dupiööc ke yīn yuöpē Ajuiεer de Wëēr de Thok në Telepuun tö 131 450 ku thiεc raan de wëēr de thoηdu.

Lëkkë raan lui në telepuun namba de thukul ku raan lui në telepuun abī thukul yuöp ku abī raan de wëēr de thok bëi onlaany bī yīin kuöny ba jam.

Na wīc raan de wëēr de thok në kaam tö yīn të de yän ke amat wenë kōc ke thukul, thiεc thukul bī juiir. Thukul abī juiir bī looi të looië amat thīn, onlaany ka wëēr de thok de telepuun, na tö. Yīn cīi bī thiεc wëu në ke ajuiir kāk.